

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10) u vezi sa članom 80a. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09), članom 146. Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj13/07 i 13/11), a povodom Zaključka Vlade Zeničko-dobojskog kantona o postupanju kod isplate naknada za rad u komisijama broj: 02-14-16897/13 od 01.08.2013. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 129. sjednici, održanoj dana 17.10.2013. godine, d o n o s i

RJEŠENJE

o utvrđivanju liste revizora prvostepenih rješenja JU Centara za socijalni rad odnosno nadležnih općinskih službi za upravu

I.

Utvrđuje se lista revizora za izvršenje revizije prvostepenih rješenja JU Centara za socijalni rad odnosno nadležnih općinskih službi za upravu (u daljem tekstu: općinski prvostepeni organ) o priznavanju prava utvrđenih Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09- u daljem tekstu: Federalni zakon) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj13/07 i 13/11 – u daljem tekstu: Kantonalni zakon), kako slijedi:

1. Ekinović Nermina, Ministarstvo za rad, socijalnu politiku i izbjeglice – revizor prava na dječiji dodatak, stalnu novčanu pomoć, smještaj u ustanove socijalne zaštite i civilnih žrtava rata,
2. Kondić Vildana, Ministarstvo za rad, socijalnu politiku i izbjeglice – revizor prava na dječiji dodatak i stalnu novčanu pomoć,
3. Kavazović Paša, Ministarstvo za rad, socijalnu politiku i izbjeglice – revizor prava na dječiji dodatak i smještaj u ustanove socijalne zaštite,
4. Serdarević Almasa, Ministarstvo za boračka pitanja – revizor prava na dječiji dodatak i stalnu novčanu pomoć,
5. Tvrčković Muris, Ministarstvo za boračka pitanja – revizor prava na dječiji dodatak i stalnu novčanu pomoć.

Poslove sekretara-evidentičara obavljat će:

1. Sarač Saida, Ministarstvo za rad, socijalnu politiku i izbjeglice,
2. Zrno Franjo, Ministarstvo za rad, socijalnu politiku i izbjeglice.

II.

Zadatak revizora iz tačke I. ovog Rješenja je pojedinačno izvršenje revizije rješenja općinskih prvostepenih organa kojima je korisnicima priznavato pravo, u skladu sa Federalnim, odnosno Kantonalnim zakonom. Ukoliko je protiv rješenja prvostepenih organa izjavljena žalba, istim rješenjem se rješava o reviziji i o žalbi.

Zadatak sekretara-evidentičara je izvršavanje ukupnih administrativno-tehničkih poslova od značaja za cjelovito izvršenje revizije.

Zbog obima posla, vrijeme za obavljanje zadataka revizora i sekretara-evidentičara je van radnog vremena, u skladu sa dinamikom dostavljanja predmeta od strane prvostepenih organa.

III.

Ministar Ministarstva za rad, socijalnu politiku i izbjeglice, u skladu sa članom 36. Zakona o upravnom postupku („Službene novine Federacije BiH“, broj: 2/98 i 48/99), osobama iz tačke I. ovog rješenja, dati će posebna ovlaštenja za izvršenje revizije rješenja.

IV.

Za rad izvan redovnog radnog vremena, revizorima i sekretarima-evidentičarima, obračunavaće se i isplatiti prekovremeni rad u skladu sa članom 32., stav 1. Zakona o radu („Službene novine Federacije Bosne i Hercegovine“, broj 44/99, 32/00 i 29/03), a izuzetno od odredbe tačke IV. Zaključka o mjerama u vezi preraspodjele radnog vremena, angažovanja za povremene, privremene poslove i prekovremeni rad, broj: 02-34-19412/11 od 03.06.2011. godine.

Evidenciju o broju sati prekovremenog rada, Ministarstvo za rad, socijalnu politiku i izbjeglice i Ministarstvo za boračka pitanja dostavljaće Ministarstvu finansija-Odsjek za centralizovani obračun i isplatu plaća putem ših listi, a na osnovu mjesečnog izvještaja o registraciji radnog vremena.

V.

Danom stupanja na snagu ovog rješenja prestaju da važe rješenja Vlade broj: 02-41-22090/06 od 18.10.2006. godine i 02-34-22540/07 od 28.09.2007. godine.

VI.

Rješenje stupa na snagu danom donošenja.

Broj: 02-_____/13
Datum, 17.10.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo za boračka pitanja,
1x Ministarstvo finansija,
7x Članovi i Sekretari-evidentičari,
1x a/a.